

**DOKUMENT OKVIRNOG BUDŽETA
GRADA SREBRENIKA ZA PERIOD
2023.-2025. GODINA**

Srebrenik, juni 2022. godine

SADRŽAJ

UVOD	3
1. SREDNJOROČNE MAKROEKONOMSKE PRETPOSTAVKE I PROGNOZE	4
1.1. Ekonomski rast.....	4
1.2. Industrijska proizvodnja	7
1.3. Tržište rada.....	8
1.4. Rizici ostvarenja makroekonomskih projekcija	9
2. SREDNJOROČNA FISKALNA POLITIKA	9
3. SREDNJOROČNA POREZNA POLITIKA I PROGNOZA DIREKTNIH I INDIREKTNIH POREZA	10
3.1. Prihodi od indirektnih poreza sa Jedinstvenog računa	10
3.2. Prihodi od poreza na dohodak	11
3.3. Prihodi Direkcije regionalnih cesta Tuzlanskog kantona	12
4. PRIHODI I PRIMICI BUDŽETA GRADA SREBRENİK	13
4.1. Rizici po projekcije prihoda.....	15
5. STRUKTURA POTROŠNJE U JAVNOM SEKTORU	16
5.1. Rashodi i izdaci budžeta Grada Srebrenik.....	16
6. OTPLATA KREDITA.....	17
7. BUDŽETSKI PRIORITETI ZA PERIOD 2023.-2025. GODINA	18

Na osnovu članova 15., 16., 17. i 18. Zakona o budžetima u Federaciji Bosne i Hercegovine („Sl. novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), Gradonačelnik Grada Srebrenik, donosi:

DOKUMENT OKVIRNOG BUDŽETA GRADA SREBRENIK ZA PERIOD 2023.-2025. GODINA

UVOD

U skladu sa Zakonom o budžetima Federacije Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) izrađen je Dokument okvirnog budžeta Grada Srebrenik (DOB) koji je dio pristupa Srednjoročnog okvira rashoda za 2023.-2025. godinu. Cilj DOB-a je da pomogne da se razvije kvalitetniji strateški osnov za srednjoročno planiranje budžeta i godišnji budžet, uključujući bolje povezivanje raspodjele resursa sa prioritetima politika navedenim u razvojnim strategijama, odnosno u Gradu Srebrenik, prioritetnih politika utvrđenih u Revidiranoj Strategiji razvoja općine Srebrenik za period 2016. do 2020. godina.

Zakonom o budžetima u FBiH propisano je da se Dokumentom okvirnog budžeta vrši trogodišnje planiranje okvirnog budžeta. Dokument okvirnog budžeta sadrži makroekonomske projekcije te okvirne projekcije budžetskih prihoda i primitaka te rashoda i izdataka za planiranje budžeta za naredne tri godine, na kojem se zasniva priprema i izrada godišnjih budžeta.

Također, Zakonom o budžetima u FBiH propisan je budžetski kalendar kojim su utvrđeni krajnji rokovi za svaku fazu budžetskog planiranja i kojim je predviđeno da DOB, kao jedinstven dokument, Vlada odnosno Gradonačelnik razmatra i usvaja do 30. juna tekuće godine.

Dokument okvirnog budžeta za period 2023.-2025. godina urađen je na osnovu sljedećih dokumenata dostavljenih od strane Ministarstva finansija Tuzlanskog kantona:

- Smjernica ekonomske i fiskalne politike Tuzlanskog kantona za period 2023.-2025. godina, broj: 02/1-11-13816/22 od 14.06.2022. godine,
- Revidiranih projekcija prihoda od indirektnih i direktnih poreza gradova/općina Tuzlanskog kantona za 2022. godinu i projekcije za period 2023.-2025. godina i Makroekonomskih pokazatelja za period 2020-2025. godina, broj: 07/1-11-12956-3/22 od 30.05.2022. godine i
- Revidirane projekcije prihoda od indirektnih poreza, dostavljene od strane JU „Direkcija regionalnih cesta TK“, broj: 05-11-171/22 od 02.06.2022. godine.

Služba za finansije i inspeksijski nadzor Grada Srebrenik, dostavlja i predlaže Gradonačelniku da razmotri i usvoji Dokument okvirnog budžeta Grada Srebrenik za period 2023.-2025. godina, kao osnov za pripremu, planiranje i izradu budžeta i finansijskih planova u Gradu Srebrenik za fiskalnu 2023. godinu.

1. SREDNJOROČNE MAKROEKONOMSKE PRETPOSTAVKE I PROGNOZE

Jedan od osnovnih preduslova održivog ekonomskog rasta te povećanja zaposlenosti jeste makroekonomska stabilnost. Makroekonomska stabilnost ostvarit će se efikasnim upravljanjem javnim finansijama kroz daljnje unapređenje procesa upravljanja državnim budžetom, fiskalnu konsolidaciju i efikasno upravljanje javnim dugom, jačanje sistema unutrašnjih finansijskih kontrola i unutrašnje revizije, te razvojem makroekonomske statistike.

U ovom poglavlju riječ je o najnovijim makroekonomskim kretanjima u BiH, s fokusom na 2022. godinu, kao i o projiciranom makroekonomskom okviru za naredni srednjoročni period.

1.1. Ekonomski rast

2020. godinu kako u zdravstvenom tako i u ekonomskom smislu obilježila je globalna pandemija virusa Covid-19 što je u Bosni i Hercegovini dovelo do realnog pada BDP-a od 3,2 % u odnosu na prethodnu godinu.

Početakom 2021. godine došlo je do stabilizacije epidemioloških prilika što se pozitivno odrazilo na ekonomsku aktivnost kako u vanjskom okruženju, tako i u Bosni i Hercegovini. Naime, oporavak prije svega izvozne, a kasnije i domaće tražnje u drugom i trećem kvartalu 2021. godine rezultirao je osjetnim oporavkom privredne aktivnosti u zemlji. Tako je Bosna i Hercegovina prema trenutno raspoloživim preliminarnim podacima Agencije za statistiku BiH (BHAS-a) u periodu januar-septembar 2021. godine zabilježila realni rast BDP-a od oko 7 % u odnosu na isti period prethodne godine.

Veoma važnu odrednicu za ekonomska kretanja u Bosni i Hercegovini u periodu 2022.-2025. godina pored važnih internih dinamika predstavljat će i ekonomska kretanja u vanjskom okruženju, naročito u zemljama EU27. Naime, unatoč stabilizaciji epidemioloških prilika vezanih za pandemiju virusa COVID-19, već početkom 2022. godine došlo je do dodatnog usložnjavanja ekonomskih prilika koje su vezane za dešavanja u Ukrajini. Negativne ekonomske posljedice ovih dešavanja na svjetsku ekonomiju su već vidljive i manifestuju se kroz trgovinske, finansijske, cjenovne šokove koje neće zaobići ni Bosnu i Hercegovinu.

Direkcija za ekonomsko planiranje (DEP), pri Vijeću Ministara Bosne i Hercegovine izradila je Makroekonomske pokazatelje na nivou Bosne i Hercegovine za period 2020-2025. godina, koji se daju u sljedećem tabelarnom pregledu:

Tabela 1. Makroekonomski pokazatelji za period 2020.-2025. godina

Indikator	Zvanični podaci	Projekcije				
	2020	2021	2022	2023	2024	2025
Nominalni BDP u mil. KM	35.436	37.578	39.590	41.344	43.303	45.489
Nominalni rast u %	-3,0	6,0	5,4	4,4	4,7	5,0
BDP deflator (prethodna godina = 100)	100,2	100,6	103,2	101,3	101,7	101,6
Realni BDP u mil.KM (prethodna god=100)	35.376	37.344	38.364	40.802	42.568	44.790
Realni rast u %	-3,2	5,4	2,1	3,1	3,0	3,4
Inflacija mjerena ind. potroš. cijena u %	-1	2	6	1,8	1,7	1,5
Potrošnja u mil. KM	32.360	34.018	35.994	37.104	38.186	39.299
Realni rast u %	-2,3	3,7	0,5	1,2	1,2	1,3
Vladina potrošnja u mil. KM	7.129	7.272	7.504	7.722	7.961	8.200
Realni rast u %	1,3	1,3	0,7	0,4	0,6	0,5
Privatna potrošnja u mil. KM	25.232	26.747	28.489	29.382	30.225	31.099
Realni rast u %	-3,2	4,4	0,5	1,4	1,4	1,5
Investicije (bruto) u stalna sredstva u mil. KM	7.779	8.520	9.061	9.700	10.650	11.700
Realni rast u %	-4,1	4,8	0,7	5,1	7,8	7,8
Vladine investicije u mil. KM	1.674	1.683	1.758	1.931	2.220	2.553
Realni rast u %	80,5	-1,0	2,7	7,6	11,7	11,7
Privatne investicije u mil. KM	6.105	6.838	7.302	7.770	8.430	9.147
Realni rast u %	-15,0	6,4	0,3	4,5	6,8	6,8
Uvoz u mil. KM	16.601	21.118	25.190	26.978	28.588	30.548
Nominalni rast u %	-14,8	27,2	19,3	7,1	6,0	6,9
Realni rast u %	-13,6	12,3	6,1	4,1	4,0	4,6
Izvoz u mil. KM	11.820	16.142	19.586	21.370	23.129	25.042
Nominalni rast u %	-17,5	36,6	21,3	9,1	8,2	8,3
Realni rast u %	-16,1	20,6	10,6	6,9	6,2	6,1
Nacionalna bruto štednja u % BDP-a	18,5	19,6	19,4	20,2	21,3	22,8
Bilans tekućeg računa u mil. KM	-1.286	-1.155	-1.539	-1.488	-1.334	-1.312
Rast u %	29,5	-11,2	33,3	-3,3	-10,4	-1,6
Bilans tekućeg računa u % BDP-a	-3,7	-3,1	-3,9	-3,6	-3,1	-2,9

Izvor podataka: Direkcija za ekonomsko planiranje (DEP), mart 2022. godine

Obzirom da eksterne dinamike predstavljaju veoma važnu strukturnu odrednicu svih ekonomskih kretanja u Bosni i Hercegovini vrijedi istaći da će najnovija dešavanja u Ukrajini imati veliku ako ne i odlučujuću ulogu za izgled ekonomskog rasta u narednom periodu, što se naročito odnosi na 2022. godinu. Negativne ekonomske posljedice su već vidljive i ogledaju se kroz porast svjetskih cijena energenata i hrane, nestabilnost na

finansijskim tržištima što bi u konačnici moglo ugroziti oporavak svjetske ekonomije iz prethodne godine.

Osim eksternih dinamika, jako bitan faktor za ekonomski rast u zemlji tokom programskog perioda 2022.-2025. godina, predstavljat će i institucionalni kapacitet zemlje u provedbi strukturalnih reformi kako bi se ojačao doprinos internih dinamika u kreiranju istog. Daljnje usložnjavanje kako eksternih tako i internih dinamika bi imalo veoma negativne posljedice po bosanskohercegovačku ekonomiju i smanjila njen potencijalni rast.

Imajući u vidu navedene kako eksterne tako i interne okolnosti, prema projekcijama DEP-a u periodu 2022.-2025. godina u Bosni i Hercegovini se može očekivati ekonomski rast sa prosječnom stopom ekonomskog rasta od oko 3 % na godišnjem nivou (2022: 2,1%, 2023: 3,1%, 2024: 3,0% i 2025: 3,4%). Najnovija dešavanja na međunarodnom ekonomskom okruženju (povećani eksterni rizici), snažan rast svjetskih cijena (energenti i hrana) i poprilično visoka osnovica iz prethodne godine (stopa rasta 5,4%) rezultirali su revidiranjem projekcije ekonomskog rasta u Bosni i Hercegovini u 2022. godini. Tako se prema projekcijama DEP-a BiH do kraja 2022. godine može očekivati realni ekonomski rast od oko 2,1 % u odnosu na prethodnu godinu, dok očekivana nominalna stopa rasta iznosi 5,4 %. Posljedica je ovo veoma izraženih inflatornih pritisaka koji su započeli tokom prethodne godine usljed prekida u globalnim lancima snabdijevanja (Covid-19 kriza), a dodatno intenzivirani u 2022. godini usljed najnovijih dešavanja u odnosima između Rusije i Ukrajine. Ako se pažljivije posmatra struktura projiciranog ekonomskog rasta u 2022. godini vidljivo je da je doprinos po komponentama rasta ravnomjerno raspoređen uz pozitivan doprinos privatne potrošnje, investicija i neto izvoza.

Pod pretpostavkom normalizacije kako eksternih tako i internih dinamika u BiH u periodu 2023.-2025. godina se može očekivati ekonomski rast od oko 3%.

Posmatrano pojedinačno po godinama u 2023. godini očekivana stopa ekonomskog rasta iznosi 3,1%, u 2024. 3,0% i u 2025. godini 3,4% u odnosu na prethodnu godinu. Pretpostavlja se da bi ključni oslonac ekonomskog rasta tokom ovog perioda trebala predstavljati domaća tražnja kroz povećanje privatne potrošnje i investicija. Naime, povećanje ukupne ekonomske aktivnosti u zemlji uz očekivano povećanje industrijske proizvodnje i građevinskih radova praćeno povećanjem broja zaposlenih i prihoda od izvoza (roba i usluga) trebalo bi rezultirati povećanjem raspoloživog dohotka građana a samim tim i povećanjem privatne potrošnje koja će kao i prethodnih godina predstavljati ključni oslonac ekonomskog rasta.

Tako se u periodu 2023. do 2025. godine očekuje prosječna stopa rasta privatne potrošnje od 1,4 % (2023: 1,4% 2024: 1,4%: 2025: 1,5%). S druge strane imajući u vidu visok nivo javne potrošnje u okviru BDP-a u BiH i napore koji se ulažu kroz procesa fiskalne konsolidacije u BiH tokom ovog perioda očekuje se postepena stabilizacija javnih finansija kroz smanjenje javnih rashoda i istovremeno povećanje javnih prihoda kako bi se ograničio rast javne potrošnje. Tako se u periodu 2023.-2025. godina očekuje ujednačen rast javne potrošnje od oko 0,5 % na godišnjem nivou. Ako se ima u vidu da bi tokom ovog perioda projicirana stopa ekonomskog rasta bila viša u odnosu na rast javne potrošnje, udio iste u BDP-u bi se djelimično smanjio na oko 18 % na kraju 2024. godine.

U periodu 2023.-2025. godine u BiH se očekuje povećanje bruto investicija u stalna sredstva po prosječnoj godišnjoj stopi rasta od oko 6,5 % (2023: 5,1%, 2024: 7,8%, 2025: 7,8%). U ovom vremenskom okviru pored povećanja privatnih investicija koje čine većinski

dio ukupnih investicija (oko 80% ukupnih investicija) kao što je i ranije navedeno, očekuje se i značajniji doprinos javnih investicija.

Smatra se da bi napredak u procesu evropskih integracija u kombinaciji sa unapređenjem poslovnog okruženja kroz reformske procese moglo povećati interes kako domaćih tako i stranih investitora za investiciona ulaganja u BiH. S druge strane, obzirom na strukturu i poziciju ekonomije BiH, smatra se da će javne investicije predstavljati nešto važniju polugu za podsticanje ekonomskog rasta u srednjem roku.

Projekti u okviru izgradnje putne infrastrukture i energetske projekti, kao i raspoloživost sredstava kod međunarodnih finansijskih institucija bi uz adekvatnu i pravovremenu implementaciju istih mogli rezultirati godišnjim povećanjem javnih investicija od oko 10 %, za period 2023. do 2025. godina. Tako bi u srednjoročnom vremenskom okviru udio javnih investicija u okviru BDP-a u BiH bio povećan na oko 5 % BDP-a.

Stabilno eksterno okruženje uz unapređenje industrijske baze i podizanje konkurentnosti u zemlji predstavljaju preduslov poboljšanja vanjskotrgovinske razmjene sa svijetom. Samo pod uslovom materijalizacije navedenih eksternih pretpostavki u periodu 2023.-2025. godine može se očekivati porast vanjskotrgovinske razmjene sa svijetom. U tom slučaju u BiH se može očekivati prosječni godišnji rast izvoza od 6,5 % pri čemu bi projicirani rast roba i usluga bio prilično ujednačen. Tako bi tokom ovog perioda zahvaljujući ovom izvoznom rastu udio izvoza u BDP-u bio povećan na oko 55 % na kraju 2025. godine.

S druge strane, očekuje se da bi se uvoz u ovom vremenskom periodu trebao kretati po nešto sporijoj godišnjoj stopi rasta od 4,5 %. Tokom ovog perioda očekuje se prilično izbalansiran rast uvoza roba i rast uvoza usluga. Posljedica ovakvog kretanja uvoznog rasta bila bi stabilizacija udjela uvoza u BDP-u na oko 65 % BDP-a na kraju 2025. godine. Nešto snažniji rast izvoza u odnosu na rast uvoza u srednjem roku bi rezultirao postepenom stabilizacijom vanjskotrgovinskog bilanca kao udio u BDP-u na oko 12 %, odnosno blago pozitivnim doprinosom ekonomskom rastu, dok bi pokrivenost uvoza izvozom zaključno sa 2025. godinom trebala iznositi skoro 80 %.

1.2. Industrijska proizvodnja

Prema podacima BHAS-a 2021. godini usljed poboljšanja epidemioloških i ekonomskih prilika u eksternom okruženju BiH je ostvarila rast fizičkog obima industrijske proizvodnje od 10,7 % u odnosu na prethodnu godinu. Vrijedi istaći da je ovaj rast fizičkog obima industrijske proizvodnje dobrim dijelom i posljedica baznog efekta iz prethodne godine obzirom da je tokom pandemijske (2020.) godine u BiH registriran pad industrijske proizvodnje od 6,2 %. S druge strane, trenutno raspoloživi preliminarni podaci BHAS-a za januar 2022. godine ukazuju na nastavak trenda rasta fizičkog obima industrijske proizvodnje u BiH obzirom da je u odnosu na isti mjesec prethodne godine ostvaren rast od 3 %.

Imajući u vidu navedena međunarodna kretanja i strukturalnu kompoziciju industrijske proizvodnje uz očuvanje stabilnog vanjskog okruženja u glavnim trgovinskim partnerima do kraja 2022. godine u BiH se može očekivati povećanje fizičkog obima industrijske proizvodnje. Vrijedi istaći da je očekivana stopa rasta industrijske proizvodnje nešto niža u odnosu na prethodnu godinu.

U periodu 2023.-2025. godina, u BiH se očekuje osjetniji ekonomski napredak u okviru kojeg bi dešavanja u industrijskoj proizvodnji trebala imati centralnu ulogu. Pored očekivanih povoljnih eksternih prilika u ovom srednjoročnom vremenskom okviru se očekuje i značajniji uticaj internih dinamika u funkciji jačanja industrijske proizvodnje u BiH. Naime, tokom ovog perioda očekuje se da bi reformske mjere na unapređenju poslovnog ambijenta koje provode nadležne institucije u BiH trebale polučiti mjerljive rezultate. Poboljšanje poslovnog ambijenta trebalo bi rezultirati povećanjem investicionih ulaganja (domaćih i inostranih), veću iskorištenost postojećih i pokretanje novih kapaciteta, povećanje broja zaposlenih i jačanje konkurentne pozicije bh. proizvođača kako na domaćem tako i na inostranim tržištima.

Imajući u vidu sve navedene okolnosti tokom ovog perioda očekivane stope rasta fizičkog obima industrijske proizvodnje prema projekciji DEP-a iznose oko 6 % na godišnjem nivou.

1.3. Tržište rada

Tokom 2021. godine u BiH došlo je do postepene stabilizacije na tržištu rada nakon višemjesečnog smanjenja broja zaposlenih lica uzrokovanog pandemijom virusa Covid-19. Od drugog kvartala broj zaposlenih lica se počeo postepeno uvećavati i u periodu I-XII 2021. godine prosječan broj zaposlenih je iznosio oko 823,6 hiljada što je više za 1,3 % u odnosu na 2020. godinu.

Prema projekcijama DEP-a u Bosni i Hercegovini u 2023. godini se očekuje pozitivan ekonomski rast od 3,1% g/g. Pored toga rast obima investicija i trgovine bi se trebao pozitivno odraziti na broj zaposlenih lica naročito u sektorima koji su i prethodnih godina zapošljavali najviše lica u BiH. Uz bolje poslovne prilike u oblasti industrije, trgovine ali i pojedinim uslužnim djelatnostima stvorili bi se uslovi za rast broja zaposlenih lica.

Projekcije za osnovne indikatore na tržištu rada u periodu 2024.-2025. godine bazirane su na analizi ekonomskog rasta kao i njegovih osnovnih komponenti, odnosno na nivou potražnje, trgovine i investicija (detaljnije u poglavlju o ekonomskom rastu).

Uz povoljnu poslovnu klimu u BiH se očekuje povećanje broja zaposlenih lica u periodu 2024-2025. godine od 1,6 %-1,7 % g/g uz istovremeno smanjenje broja nezaposlenih lica, ali i nastavak uvećanja neto plaća od 3,2 %-3,3 % g/g.

Tabela 1.3.1. Uporedna tabela zaposlenih i nezaposlenih u Federaciji BiH

	2018	2019	2020	2021	II 2022	III 2022
Broj zaposlenih	519.800	531.483	520.162	525.397	531.485	531.868
Broj nezaposlenih	335.610	313.570	321.581	299.717	297.923	295.220

Izvor podataka: Mjesečni statistički pregled FBiH 5/22, str 7

Tabela 1.3.2. Uporedna tabela neto i bruto plaća u Federaciji BiH

	2018	2019	2020	2021	II 2022	III 2022
Prosječna neto plaća, u KM	889	928	956	996	1.046	1.096
Prosječna bruto plaća, u KM	1.365	1.427	1.472	1.543	1.614	1.694

Izvor podataka: Mjesečni statistički pregled FBiH 5/22, str 7

1.4. Rizici ostvarenja makroekonomskih projekcija

Rizici po ostvarenje projekcija ekonomskog rasta u osnovnom scenariju mogu se klasifikovati u dvije grupe (vanjski i unutrašnji).

Naime, nakon stabilizacije epidemioloških prilika koje su vezane za Covid-19, početkom 2022. godine došlo je do eskalacije sukoba Ukrajine i Rusije što će ne sumnjivo imati negativne ekonomske posljedice na globalnu ekonomiju i samim tim i BiH. Daljnja eskalacija ukrajinske krize, kao i jačanje inflatornih pritisaka kako na globalnom tako u BiH zasigurno bi imali negativan uticaj na potrošnju, investicije, vanjskotrgovinsku razmjenu a samim tim i na projekcije ekonomskog rasta u osnovnom scenariju.

S druge strane, prijetnju realizaciji ovih projekcija predstavljaju i unutrašnji izazovi odnosno unutrašnji rizici u BiH.

Unutrašnje rizike predstavljaju složen sistem donošenja odluka i spor tempo provođenja ekonomskih reformi u zemlji.

Eventualna kašnjanja u implementaciji strukturalnih reformi moglo bi se negativno odraziti na ukupan ekonomski rast.

Što se tiče rizika u srednjem roku, oni se odnose na migraciju stanovništva iz BiH, a to se naročito odnosi na mladi, obrazovani i kvalifikovani kadar što bi moglo rezultirati smanjenjem produktivnosti i sporijim rastom BDP-a od projektovanog.

Projekcije na tržištu rada određene su značajno dešavanjima u okruženju odnosno poslovnim ambijentom kako u BiH tako i u EU i regionu. Prema tome značajne neizvjesnosti oko dešavanja između Ukrajine i Rusije mogle bi se loše odraziti na ekonomiju kako EU tako i BiH a potom i na tržištu rada.

Uz sporiji ekonomski rast, manji obim investicija, trgovine i uopšte lošije uslove poslovanja, rast broja zaposlenih lica kao i plata bi mogao biti niži od pretpostavljenog u osnovnom scenariju. Pored toga, smanjenje radne snage (migracije) i stepen implementacije planiranih strukturalnih reformi u BiH mogao bi uticati na posmatrane indikatore tržišta rada kao i na nivo kupovne moći i životnog standarda. Sve navedene promjene ujedno predstavljaju osnovne rizike za projekcije na tržištu rada.

2. SREDNJOROČNA FISKALNA POLITIKA

Fiskalna politika, usklađena je sa mjerama Reformske agende, u 2022. godini i narednom srednjoročnom periodu fokusirana je na podršci makroekonomskom rastu, u cilju povećanja fiskalnog prostora politikama koje promovišu dugoročni rast i suzbijaju sivu ekonomiju. Ključne aktivnosti prvenstveno podrazumijevaju djelovanje u pravcu stvaranja povoljnog i stabilnog poslovnog okruženja, atraktivnog za povećan priliv i domaćih i stranih investicija, kao glavnog generatora prognoziranog srednjoročnog makroekonomskog rasta. Provedbu planiranih aktivnosti i dalje prati nastavak reformi u cilju kreiranja stabilnog poreznog sistema i približavanja istog standardima Evropske unije.

3. SREDNJOROČNA POREZNA POLITIKA I PROGNOZA DIREKTNIH I INDIREKTNIH POREZA

U ovom poglavlju su izložene projekcije prihoda koje se očekuju za finansiranje javne potrošnje u toku srednjoročnog perioda, a na osnovu projiciranih makroekonomskih pokazatelja i postojećih poreznih politika.

Srednjoročne projekcije javnih prihoda u Federaciji BiH prate pozitivna makroekonomska očekivanja u kretanju onih agregata sa kojima su u značajnoj korelaciji. Kod nekih stavki, u cilju očuvanja fiskalne discipline, već unutar osnovnog scenarija uključeni su i procijenjeni efekti pojedinih visokih rizika po ostvarenje makroekonomskih prognoza. Projekcije su usko vezane za pretpostavljenu brzinu oporavka ekonomije u postpandemijskom periodu, ali i sa najnovijim negativnim dešavanjima u Ukrajini, koja su se odrazila na cjelokupnu ekonomiju.

Obzirom na krajnju nepredvidivost mogućih budućih šokova, posebno kada je riječ o ubrzanom rastu inflacije, moguće su značajne promjene u krajnjem ishodu makroekonomskih pretpostavki, pa tako i projekcija javnih prihoda.

Srednjoročne projekcije prihoda za period 2023.-2025. godina prate pozitivne makroekonomske prognoze za navedeni period, ali istovremeno zadržavajući određeni nivo opreznosti i konzervativnosti u procjenama.

Svaki neplanirani događaj u 2022. godini, koji se u značajnoj mjeri može odraziti na pretpostavljene iznose javnih prihoda, eventualno će dovesti i do vanrednog revidiranja projekcija prihoda.

3.1. Prihodi od indirektnih poreza sa Jedinstvenog računa

Kada je riječ o projekcijama prihoda od indirektnih poreza, iste su bazirane na srednjoročnom Planu naplate ukupnih prihoda na Jedinstvenom računu, preuzetom od strane Odjeljenja za makroekonomsku analizu Upravnog odbora Uprave za indirektno oporezivanje (OMA) iz aprila 2022. godine. Na osnovu srednjoročnih kretanja krajnje potrošnje izvršena je procjena učešća Federacije BiH u međuentitetskoj raspodjeli, dok je projekcija raspoloživog dijela ovih prihoda za raspodjelu korisnicima Federacije BiH, po godinama, zasnovana i na planu otplate vanjskog duga u periodu 2022.-2025. godina.

Prihodi prikupljeni po osnovu indirektnih poreza (PDV-a, carinskih dadžbina i akciznih dažbina) se uplaćuju na Jedinstveni račun Uprave za indirektno oporezivanje nakon čega se raspodjeljuju slijedećim redom:

1. otplata vanjskog duga.
2. raspodjela na račun rezervi,
3. raspodjela sredstava za potrebno finansiranje institucija BiH,
4. raspodjela prihoda između entiteta i Brčko Distrikta.

Nakon raspodjele sredstava za otplatu vanjskog duga, preostalo se raspodjeljuje između entiteta i nižih nivoa vlasti. U skladu sa Zakona o pripadnosti javnih prihoda u FBiH („Službene novine FBiH“, broj: 22/06, 43/08, 22/09, 35/14, 94/15 i 17/22) prihodi sa Jedinstvenog računa se dijele kako slijedi:

1. finansiranje funkcija Federacije 36,20 %,
2. finansiranje funkcija kantona 51,23 %,

3. finansiranje funkcija jedinica lokalne samouprave 8,42 %,
4. finansiranje direkcija cesta u Federaciji 3,90 % i
5. finansiranje funkcija Grada Sarajeva 0,25 %

Zakonom o pripadnosti javnih prihoda u Federaciji BiH je detaljno regulirana raspodjela prihoda od indirektnih poreza između Federacije, kantona, jedinica lokalne samouprave, direkcija za ceste.

Raspodjela prihoda od indirektnih poreza sa Jedinstvenog računa za gradove/općine Tuzlanskog kantona očekuje se u sljedećim iznosima za period 2023.-2025. godina:

Tabela 3.1.-Projekcija prihoda od indirektnih poreza za gradove/općine Tuzlanskog kantona u KM

Gradovi/Općine Tuzlanskog kantona	Projekcije		
	2023	2024	2025
Banovići	2.565.980,00	2.651.464,00	2.872.053,00
Gračanica	5.698.476,00	5.888.317,00	6.378.195,00
Gradačac	4.909.798,00	5.073.365,00	5.495.442,00
Kalesija	4.146.113,00	4.284.239,00	4.640.665,00
Kladanj	1.563.471,00	1.615.557,00	1.749.963,00
Čelić	1.274.659,00	1.317.124,00	1.426.701,00
Lukavac	5.215.272,00	5.389.015,00	5.837.353,00
Srebrenik	5.037.541,00	5.205.364,00	5.638.423,00
Tuzla	13.263.119,00	13.704.972,00	14.845.155,00
Živinice	7.264.723,00	7.506.744,00	8.131.266,00
Doboj Istok	1.257.997,00	1.299.906,00	1.408.052,00
Sapna	1.313.538,00	1.357.297,00	1.470.217,00
Teočak	852.550,00	880.952,00	954.243,00
UKUPNO:	54.363.237,00	56.174.316,00	60.847.728,00

3.2. Prihodi od poreza na dohodak

Plan prihoda po osnovu poreza na dohodak zasnovan je na trenutnoj politici oporezivanja dohotka.

Projekcije prihoda vezane za porez na dohodak uključuju i poreze na plaće (zaostale uplate poreza).

Prihodi po osnovu poreza na dohodak na nivo gradova/općina Tuzlanskog kantona za period 2023.-2025. godina projiciraju se kako slijedi:

Tabela 3.2.- Projekcije poreza na dohodak za gradove/općine Tuzlanskog kantona u KM

Gradovi/Općine Tuzlanskog kantona	Projekcije		
	2023	2024	2025
Banovići	1.950.693,00	2.076.799,00	2.214.366,00
Gračanica	2.753.188,00	2.931.173,00	3.125.333,00
Gradačac	2.245.153,00	2.390.295,00	2.548.628,00
Kalesija	1.430.772,00	1.523.267,00	1.624.168,00
Kladanj	1.036.867,00	1.103.897,00	1.177.019,00
Čelić	545.568,00	580.837,00	619.312,00
Lukavac	3.470.286,00	3.694.629,00	3.939.360,00
Srebrenik	1.976.712,00	2.104.500,00	2.243.902,00
Tuzla	14.027.850,00	14.934.704,00	15.923.975,00
Živinice	3.433.313,00	3.655.265,00	3.897.389,00
Doboj Istok	1.063.634,00	1.132.394,00	1.207.404,00
Sapna	503.022,00	535.541,00	571.015,00
Teočak	435.169,00	463.301,00	493.990,00
UKUPNO:	34.872.227,00	37.126.602,00	39.585.861,00

3.3. Prihodi Direkcije regionalnih cesta Tuzlanskog kantona

Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH“, broj: 54/20, 55/20, 63/20, 88/20, 28/21, 56/21, 83/21, 1/22 i 34/22), definisano je da od ukupno doznačenog iznosa prihoda od indirektnih poreza iz raspodjele sa Jedinštenog računa koji pripadaju nadležnim kantonalnim organima za ceste, kantonalni organi za ceste usmjeravaju 42% sredstava na račun općinskih organa, što čini 25% ukupno doznačenih sredstava.

Također, definisano je da od ukupno doznačenog iznosa prihoda od putarine u iznosu od 0,25 KM po jednom litru, za izgradnju autocesta i drugih cesta koji pripadaju nadležnim kantonalnim organima za ceste, kantonalni organi za ceste usmjeravaju 42% sredstava na račun općinskih organa, što čini 25% ukupno doznačenih sredstava.

Raspodjela prihoda od indirektnih poreza iz raspodjele sa Jedinštenog računa i prihoda od namjenske putarine za finansiranje autocesta i cesta projicirane od Direkcije regionalnih cesta Tuzlanskog kantona za Grad Srebrenik za period 2023.-2025. godina date su u sljedećem tabelarnom pregledu:

Tabela 3.3.-Projekcije prihoda od Direkcije regionalnih cesta TK za Grad Srebrenik u KM

VRSTA PRIHODA	Projekcije		
	2023	2024	2025
Prih. od indir. poreza koji pripadaju Direkciji cesta (kod 717131)	537.600,00	555.500,00	601.700,00
Prih. od indir. poreza na ime fin. autocesa i cesta u Federaciji (kod 717114)	191.300,00	197.000,00	203.800,00
UKUPNO:	728.900,00	752.500,00	805.500,00

4. PRIHODI I PRIMICI BUDŽETA GRADA SREBRENİK

Služba za finansije i inspeksijski nadzor Grada Srebrenik projekciju prihoda i primitaka u DOB-u Grada Srebrenik za period 2023.-2025. godina uradila je na bazi ostvarenih prihoda u 2021. godini, planiranih prihoda za 2022. godinu, Revidiranih projekcija prihoda od indirektnih i direktnih poreza gradova/općina Tuzlanskog kantona za period 2023.-2025. godina koje su dostavljene od strane Ministarstva finansija TK i Revidiranih projekcija prihoda od indirektnih poreza koje su dostavljene od strane JU „Direkcija regionalnih cesta TK“ za period 2023.-2025. godina.

Očekivani nivo ukupnih poreznih i neporeznih prihoda, namjenskih sredstava, grantova, dinacija i primitaka koji su na raspolaganju za finansiranje funkcija Budžeta Grada Srebrenik iznosi 19.975.000,00 KM u 2023. godini. Projicirani nivo prihoda u 2024. godini iznosi 20.003.000,00 KM a u 2025. godini 19.831.625,03 KM.

Iz datih projekcija može se vidjeti da je projektovani nivo ukupnih prihoda i primitaka u 2023. godini manji za 6,29 % u odnosu na 2022. godinu, a u 2024. godini veći za 0,14 % u odnosu na 2023. godinu, dok su u 2025. godini manji za 0,86 % u odnosu na 2024. godinu.

U sljedećoj tabeli navedeni su prihodi i primici izvršeni u 2021. godini, planirani budžetom za 2022. godinu i projekcije prihoda i primitaka za period 2023.-2025. godina.

Tabela 4. - Prihodi, primici i finansiranje budžeta Grada Srebrenik u KM

Naziv prihoda	Izvršenje 2021	Budžet za 2022	Projekcije		
			2023	2024	2025
UKUPNO PRIHODI, PRIMICI I FINANSIRANJE (I+II)	12.193.237,08	21.314.860,72	19.975.000,00	20.003.000,00	19.831.625,03
I - UKUPNO PRIHODI BUDŽETA (A+B)	10.639.431,56	11.131.275,00	11.558.500,00	12.061.500,00	12.731.525,03
A. Porezni prihodi	8.347.929,96	8.361.600,00	8.855.300,00	9.174.500,00	9.830.000,00
Porez na dobit pojedinca	16.547,60	12.800,00	12.200,00	12.200,00	12.200,00
Porezi na plaće	222,02	300,00	200,00	200,00	200,00
Porez na imovinu	1.245.539,77	1.085.000,00	1.100.000,00	1.100.000,00	1.130.000,00

Porez na prod. dob. i usl., ukup prom. ili dodanu vr	96,30	0,00	0,00	0,00	0,00
Ostali porezi na PPU	0,00	0,00	0,00	0,00	0,00
Porez na dohodak	1.714.120,26	1.853.600,00	1.976.500,00	2.104.300,00	2.243.700,00
Prihodi od indirektnih poreza	5.371.296,93	5.409.600,00	5.766.400,00	5.957.800,00	6.443.900,00
Ostali porezi	107,08	300,00	0,00	0,00	0,00
B. Neporezni prihodi	2.291.501,60	2.769.675,00	2.703.200,00	2.887.000,00	2.901.525,03
Prihodi od nefin. javnih pred. i finans. javnih inst.	267.557,97	340.000,00	340.000,00	340.000,00	340.000,00
Ostali prihodi od imov.	0,00	1.400,00	1.500,00	1.500,00	1.500,00
Administrativne takse	277.652,80	250.000,00	265.000,00	265.000,00	265.000,00
Komunalne nakn. i takse	497.527,16	520.000,00	535.000,00	550.000,00	550.000,00
Ostale budžetske naknade i takse	479.788,31	664.000,00	624.000,00	793.000,00	808.000,00
Naknade i takse po Federalnim zakonima i drugim propisima	730.310,32	920.475,00	917.000,00	917.000,00	917.000,00
Neplanirane uplate-priho	9.027,55	3.000,00	4.000,00	4.000,00	4.000,00
Novčane kazne	29.637,49	70.800,00	16.700,00	16.500,00	16.025,03
II - TEKUĆI I KAPITALNI TRANSFERI I DONACIJE, KAPITALNI PRIMICI	1.553.805,52	10.183.585,72	8.416.500,00	7.941.500,00	7.100.100,00
Tekući transferi i don.	327.566,78	950.000,00	906.500,00	911.500,00	960.100,00
Primljeni tekući transferi od međunarodnih organ.	12.613,31	0,00	0,00	0,00	0,00
Primljeni tekući transferi od ostalih nivoa vlasti	314.953,47	950.000,00	906.500,00	911.500,00	960.100,00
Kapitalni transferi	1.004.390,59	7.207.325,00	7.455.000,00	6.975.000,00	6.085.000,00
Primljeni kapitalni transferi od međ. organ.	0,00	30.000,00	15.000,00	15.000,00	15.000,00
Kapitalni transferi od od ostalih nivoa vlasti	1.004.390,59	7.177.325,00	7.440.000,00	6.960.000,00	6.070.000,00
Kapitalni primici	221.848,15	2.026.260,72	55.000,00	55.000,00	55.000,00
Primici od prodaje stalnih sredstava	35.200,00	440.000,00	40.000,00	40.000,00	40.000,00
Primljene otplate od pozajmlj. pojed. i nepr. or	21.511,00	15.000,00	15.000,00	15.000,00	15.000,00
Primici od domaćeg zaduživanja	165.137,15	1.571.260,72	0,00	0,00	0,00

Prihodi od indirektnih poreza

U Budžet Grada Srebrenik uplaćuju se prihodi od indirektnih poreza i to: dio poreza na dodanu vrijednost (PDV), dio poreza koji pripadaju Direkciji cesta i dio poreza za

finansiranje autocesta u FBiH, a prema zakonom određenim kriterijima. U plan ukupnih budžetskih prihoda najvećim dijelom ulaze prihodi po obnovu indirektnih poreza.

Prihodi od indirektnih poreza u Gradu Srebrenik projicirani su u skladu sa Revidiranim projekcijama prihoda od indirektnih poreza gradova/općina Tuzlanskog kantona za period 2023.-2025. godina, i Revidiranim projekcijama prihoda od indirektnih poreza JU „Direkcije regionalnih cesta TK“ za period 2023.-2025. godina.

Porez na dohodak

Prihodi od poreza na dohodak projicirani su u skladu Revidiranim projekcijama prihoda od direktnih poreza gradova/općina Tuzlanskog kantona za period 2023.-2025. godina. U periodu 2023.-2025. godina projekcije prihoda po osnovu poreza na dohodak (uključujući i porez na plaću) u 2023. godini iznose 1.976.700,00 KM u 2024. godini iznose 2.104.500,00 KM i 2025. godini iznose 2.243.900,00 KM.

Porez na imovinu

Porez na imovinu obuhvata: porez na imovinu od fizičkih i pravnih lica, porez na imovinu za motorna vozila, porez na nasljeđe i darove, porez na promet nepokretnosti fizičkih i pravnih lica koji se naplaćuju i raspoređuju između budžeta kantona i općina prema kantonalskim propisima.

Projekcija ovih prihoda za 2023. godinu je u iznosu od 1.100.000,00 KM, 2024. godinu u iznosu od 1.100.000,00 i 2025. godinu u iznosu od 1.130.000,00 KM.

Neporezni prihodi

Neporezni prihodi uključuju:

- naknade i takse,
- novčane kazne,
- posebne naknade,
- ostali neporezni prihodi (uključujući vlastite prihode budžetskih korisnika)
- naknade po osnovu dodjele i korištenja građevinskog zemljišta, građenja (prihode od rente i uređenja zemljišta).

Očekivani ukupni iznos prikupljenih neporeznih prihoda u 2023. godini iznosi 2.703.200,00 KM, 2024. godini iznosi 2.887.000,00 KM i 2025. godini iznosi 2.901.525,03 KM.

4.1. Rizici po projekcije prihoda

Unatoč stabilizaciji epidemioloških prilika vezanih za pandemiju virusa COVID-19, početkom 2022. godine, ekonomija je stavljena pred nove izazove, usljed složenih međunarodnih političkih prilika vezanih za ratna dešavanja u Ukrajini, koja su se značajno reflektovala na globalne ekonomske tokove, prvenstveno kroz nagle i visoke inflatorne skokove. Institucije BiH i u narednom periodu će, u skladu sasvojim ovlaštenjima, u okviru raspoloživog budžeta i putem racionalne potrošnje doprinositi ukupnoj fiskalnoj stabilnosti BiH. Uz nastavak započetih, posebna pažnja posvetiće se politici javnih investicija uz

korištenje dostupnih sredstava međunarodnih finansijskih institucija kao polugu za rast u srednjem periodu.

Nepredviđene promjene poreznih politika koje se prvenstveno odnose na odsustvo stabilnih koeficijenata raspodjele indirektnih poreza,

Promjena nivoa zaduženosti od planiranog i nepredviđene promjene istih bitno mogu uticati na nepovoljnu realizaciju predviđenih projekcija.

Glavni rizici za promjene u kretanju platnog bilansa Bosne i Hercegovine za povećanje odnosno smanjenje deficita tekućeg računa nalaze se u vanjskotrgovinskom deficitu, tj. u promjenama stopa izvoza i uvoza roba, kao i promjenama cijena na svjetskom tržištu.

Povoljno poslovno okruženje i stopa zaposlenosti dijaspore Bosne i Hercegovine mogla bi dovesti do porasta stope tekućih transfera, a samim time i do povećanja raspoloživog dohotka.

Kod finansiranja deficita tekućeg računa, najveći rizici se nalaze u smanjenju sredstava strane aktive Bosne i Hercegovine u inostranstvu, nedovoljnim prilivom direktnim stranim investicijama, otežanim pristupom trgovinskim kreditima kao i nemogućnost zaduživanja na međunarodnom finansijskom tržištu.

Izvršenje raspoloživih prihoda po osnovu indirektnih poreza za budžetske korisnike u Federaciji BiH direktno će ovisiti i o visini otplate vanjskog duga, s obzirom da se ukupan iznos prihoda s Jedinstvenog računa, koji pripada Federaciji BiH, u skladu s članom 21. Zakona o sistemu indirektnog oporezivanja („Službene novine BiH“, broj 44/03) umanjuje za iznos sredstava potrebnih za servisiranje inozemnog duga Federacije BiH.

Također, naplata prihoda od indirektnih poreza ovisit će i od kvalitetne koordinacije svih korisnika, institucija Bosne i Hercegovine, entiteta i Brčko Distrikta, s jedne strane i svih korisnika prihoda od indirektnih poreza unutar Federacije BiH, s druge strane, a s naglaskom na nastavak prilagođavanja koeficijenata za raspodjelu ovih prihoda korisnicima

5. STRUKTURA POTROŠNJE U JAVNOM SEKTORU

U skladu sa planiranim okvirom raspoloživih sredstava i prihvaćenom politikom javnih rashoda, u ovom poglavlju data je struktura budžetske potrošnje za naredni trogodišnji period po glavnim ekonomskim stavkama. S tim u vezi, prikazane su pojedine kategorije troškova, uključujući plaće i naknade, materijalne troškove, transfere i kapitalnu potrošnju unutar budžeta Grada Srebrenik.

5.1. Rashodi i izdaci budžeta Grada Srebrenik

Rashodi i izdaci Budžeta Grada Srebrenik za 2023. godinu projiciraju se u iznosu od 19.475.000,00 KM za 2024. godinu u iznosu od 19.403.000,00 KM i 2025. godini u iznosu od 19.094.000,00 KM.

U ukupnim rashodima i izdacima Grada Srebrenik u periodu 2023.-2025. godina prikazano je planirano pokriće akumuliranog deficita iskazanog u budžetu Grada Srebrenik u 2020. godini u skladu sa Odlukom o pokriću akumuliranog deficita iskazanog u budžetu Grada Srebrenik u 2020. godini („Službeni glasnik Grada Srebrenik“, broj: 4/21).

U slijedećoj tabeli daju se rashodi i izdaci iz budžetskih sredstava po ekonomskim kategorijama za period 2022.-2025. godina sa odvojenim podacima za plaće, materijalne troškove, tekuće i kapitalne transfere, kapitalne izdatke i pokriće akumuliranog deficita iskazanog u budžetu Grada Srebrenik u 2020. godini.

Tabela 4.1.-Rashodi, izdaci i finansiranje u budžetu Grada Srebrenik za period 2023.-2025.g.

Ekonomski kod	VRSTA RASHODA	Plan 2022.	Projekcija 2023.	Projekcija 2024.	Projekcija 2025.
	I - RASHODI I IZDACI (II+III)	20.914.860,72	19.475.000,00	19.403.000,00	19.094.000,00
	II - UKUPNO (A+B)	20.814.860,72	19.365.000,00	19.293.000,00	18.974.000,00
610000	A. TEKUĆI IZDACI	11.788.800,00	12.101.900,00	12.682.900,00	12.972.800,00
611000	PLATE I NAKNADE TROŠ. ZAPOSLENIH	4.118.600,00	4.596.500,00	4.978.900,00	5.440.200,00
611100	Bruto plate i naknade	3.512.500,00	3.932.700,00	4.319.600,00	4.744.400,00
611200	Naknade troškova zaposlenih	606.100,00	663.800,00	659.300,00	695.800,00
612000	DOPRINOSI POSLODAVCA	384.400,00	430.700,00	472.100,00	519.800,00
612100	Doprinosi poslodavca	384.400,00	430.700,00	472.100,00	519.800,00
613000	IZDACI ZA MATERIJAL, SITAN INVEN. I USLUGE	3.424.300,00	3.650.400,00	3.755.100,00	3.652.800,00
614000	TEKUĆI TRANSFERI I DRUGI TEKUĆI RASHODI	3.102.500,00	2.999.600,00	3.109.600,00	3.011.600,00
615000	KAPITALNI TRANSFERI	632.500,00	312.500,00	282.700,00	280.000,00
616000	IZDACI ZA KAMATE I OSTALE NAKNADE	126.500,00	112.200,00	84.500,00	68.400,00
820000	B. KAPITALNI IZDACI	9.026.060,72	7263100,00	6.610.100,00	6.001.200,00
821000	IZDACI ZA NABAVKU STALNIH SRED.	8.005.460,72	6.050.400,00	5.635.500,00	5.235.500,00
822000	SREDSTVA ZA POZAJMLJIVANJE	49.600,00	99.200,00	99.200,00	99.200,00
823000	OTPLATE DUGOVA - FINANSIRANJE	971.000,00	1.113.500,00	875.400,00	666.500,00
600000	III-TEKUĆA REZERVA	100.000,00	110.000,00	110.000,00	120.000,00
	IV-POKRIĆE AKUMUL. DEFICITA IZ 2020.GOD.	400.000,00	500.000,00	600.000,00	737.625,03
	UKUPNO (I+IV)	21.314.860,72	19.975.000,00	20.003.000,00	19.831.625,03

6. OTPLATA KREDITA

U periodu 2023.-2025. godine obaveze Grada Srebrenik prema kreditima-garancijama-otplata planovima (glavnica i kamata) su:

- Razvojnoj banci FBiH Sarajevo-po kreditu iz sredstava Kuvajtskog fonda za

arapski ekonomski razvoj (za finansiranje izgradnje kanalizacije u cilju zaštite izvorišta «Vlahulje» Srebrenik i postrojenja za prečišćavanje otpadnih voda u Srebreniku) a u skladu sa Sporazumom o zajmu zaključenom između F BiH i Kuvajtskog fonda,

- Federalnom ministarstvu finansija Sarajevo-po kreditu Saudijskog fonda za razvoj broj: 4/560-Projekat izgradnje zgrade za općinske organe u Srebreniku,
- Garanciji, broj: 07-116/19, po kreditu JU „Sportsko-rekreativni centar“ Srebrenik u iznosu od 150.000,00 KM za izgradnju parketa-poda u objektu JU (Odluka o odobravanju izdavanja garancije, broj: 01-424/18 od 06.07.2018. godine),
- “INTESA SANPAOLO BANKA” d.d. Sarajevo po Ugovoru o dugoročnom kreditu za realizaciju infrastrukturnih projekata u Gradu Srebrenik po Odluci o kreditnom zaduženju Grada Srebrenik za finansiranje izrade projektno-tehničke dokumentacije i realizacije projekta vodosnabdijevanja u naseljima koja gravitiraju mjesnom području Tinja i Podorašje, te izrade projektno-tehničke dokumentacije i realizacije projekta rekonstrukcije i izgradnje dodatnog rezervoara i filterskog postojenja vodovoda Duboki Potok, a ostatak sredstava za finansiranje projekta vodosnabdijevanja ostalih ugroženih područja Grada Srebrenik, broj: 01-72/20 od 03.02.2020. godine,
- Raiffeisen Leasing d.o.o. Sarajevo, po Ugovoru o finansijskom lizingu broj: 20240/20 za nabavku navalnog vatrogasnog vozila za gašenje vodom i pjenom po Odluci o odobravanju kreditnog (lizing) zaduženja Grada Srebrenik za nabavku novog navalnog vatrogasnog vozila, broj: 01-422/19 od 12.07.2019. godine.
- Gradsko vijeće Grada Srebrenik donijelo je Odluku o odobravanju izdavanja garancije JU Centar za kulturu i informisanje Srebrenik na kreditno zaduženje u iznosu od 100.000,00 KM na period od 36 mjeseci, a sredstva će se utrošiti za renoviranje kino sale u ovoj ustanovi, broj: 01-307/22 od 16.06.2022. godine.

7. BUDŽETSKI PRIORITETI ZA PERIOD 2023.-2025. GODINA

Gradonačelnik Grada Srebrenik donio je Odluku o izradi Strategije razvoja Grada Srebrenik 2021-2027. godina („Službeni glasnik Grada Srebrenik“, broj: 2/21) kojom se pokreće proces izrade Strategije razvoja Grada Srebrenik 2021-2027. godina.

Strategija razvoja Grada Srebrenik je integrirani, multisektorski strateški dokument Grada Srebrenik koji definiše javne politike, usmjerava razvoj grada Srebrenik kao jedinice lokalne samouprave i planiranim strateškim ciljevima i prioritetima predstavlja putokaz za sveukupni društveni razvoj.

Strategijom razvoja Grada Srebrenik 2021-2027. godina utvrđuju se ciljevi i prioriteti razvoja Grada Srebrenik, način njihovog ostvarivanja, finansijski i intitucionalni okvir za implementaciju, monitoring, evaulaciju i izvještavanje.

Prijedlozi prioriteta potrošnje i početnih gornjih granica rashoda za period 2023.-2025. godine sadržani u ovom dokumentu utvrđeni su na osnovu sljedećih elemenata:

- fiskalne politike Grada Srebrenik i okvira raspoloživih sredstava,
- Revidirane strategije razvoja općine Srebrenik,
- dostavljenih finansijskih zahtjeva budžetskih korisnika i
- utvrđenim prioritetima Grada Srebrenik.

U skladu sa članom 18. Zakona o budžetima u Federaciji Bosne i Hercegovine („Sl. novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) nakon usvajanja od strane Gradonačelnika, ovaj dokument bit će objavljen na web stranici Grada Srebrenik i dostavljen Gradskom vijeću Grada Srebrenik kao informacija uz nacrt budžeta za 2023. godinu.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
Gradonačelnik**

GRADONAČELNIK

Dr. sci. Nihad Omerović

**Broj: 07-777/22
Srebrenik: 29.06.2022. godine**